

Kiswahili Order



Ombi la Kurekebisha Bei za Majisafi na Usafi wa Mazingira la
MAMLAKA YA MAJISAFI NA USAFI WA MAZINGIRA MAKAMBAKO
(MAKAMBAKO WSSA)

Utangulizi

1. Mnamo tarehe 3 Machi 2017, Mamlaka ya Udhhibiti wa Huduma za Nishati na Maji ("EWURA") ilipokea ombi kutoka Mamlaka ya Majisafi na Usafi wa Mazingira Makambako (MAKUWASA) kwa ajili ya marekebisho ya bei za majisafi toka 2017/18 hadi 2019/20 kwa ajili ya mapitio na maidhinisho. MAKUWASA iliomba:

- a) kuongeza bei kwa wateja wenye dira za maji kwa asilimia 39 mwaka 2017/18, asilimia 9 mwaka 2018/19 na asilimia 4 mwaka 2019/20;
- b) kuongeza bei kwa wateja wasio na dira za maji kwa asilimia 100 mwaka 2017/18, asilimia 50 mwaka 2018/19 na asilimia 25 mwaka 2019/20;
- c) kuongeza tozo ya maunganisho mapya ya huduma ya maji kwa kiwango cha kati ya asilimia 56 na asilimia 142 katika mwaka 2017/18, kwa kiwango cha kati ya asilimia 25 na asilimia 30 katika mwaka 2018/19 na kati ya asilimia 20 na asilimia 25 katika mwaka 2019/20.
- d) kuongeza tozo ya kurejeshewa huduma ya maji baada ya kusitishwa kwa asilimia 100 katika mwaka 2016/17, hakuna ongezeko kwa mwaka 2018/19 na ongezeko la asilimia 30 kwa mwaka 2019/20; na
- e) kuanza kutoza tozo ya huduma kwa shilingi 2000/mwezi kwa wateja wa majumbani na wamagati, shilingi 3000/mwezi kwa wateja wa biashara na taasisi na shilingi 3500 kwa wateja wa viwandani na ujenzi. Tozo hiyo inapendekezwa kuongezwa kwa asilimia 50 na 25 kwa mwaka 2018/19 na 2019/20 sawia kwa makundi yote ya wateja..

Sababu za

2. Sababu zilizotolewa na MAKUWASA kuhusu mapendekezo ya bei na

Kurekebisha
Bei

tozo ni kuhakikisha MAKUWASA inamudu gharama zilizoongezeka za uendeshaji na matengenezo kama vile kulipia ankara zake za umeme wa mitambo na gharama za kutibu maji. Pia, MAKUWASA wameeleza kuwa ongezeko lililopendekezwa litawasaidia kutekeleza dira, maono na malengo ya utendaji waliyokubaliana kwa mwaka 2017/18 – 2019/20 ya kuhakikisha kuwa watu wanaopata maji safi na salama wanafikia asilimia 70 ifikapo mwaka 2019.

Ushirikishwaji
i wa Wadau

3. Kwa mujibu wa kifungu cha 19(2)(b) cha Sheria ya Mamlaka ya Udhubiti wa Huduma za Nishati na Maji, Sura ya 414, EWURA ilifanya taftishi kuhusu uhalali wa ombi la kurekebisha bei zilizopendekezwa. Taftishi hiyo ilihusisha tathmini ya masuala ya kiuchumi na ya kiufundi pamoja na kukusanya maoni kutoka kwa wadau katika mkutano uliofanyika katika mji wa Makambako mnamo tarehe 4 Mei 2017.

4. Wakati wa taftishi, wadau wakiwemo, Baraza la Ushauri la Serikali (Government Consultative Council ("GCC")), na Baraza la Ushauri la Watumiaji wa Huduma zinazodhibitiwa na EWURA (Consumer Consultative Council ("EWURA CCC")) walikutana ili kuchunguza na kutoa hoja zao kuhusu uhalali wa ombi hilo. Wananchi pia walipata fursa ya kuwasilisha EWURA hoja zao kwa maneno na maandishi.

5. GCC walihoji, pamoja na mambo mengine, kuhusu ongezeko kubwa la bei kwa mwaka wa kwanza na baadaye ongezeko dogo sana kwa miaka inayofuata, gharama kubwa zilizopendekezwa za maunganisho ya maji kati ya asilimia 97 na 142, uzalishwaji mdogo wa maji wa uniti 2660 kwa siku ukilinganisha na mahitaji ya maji ya uniti 6590 kwa siku na kukosekana kwa mipango madhubuti ya kutenga maeneo kwa ajili ya miundombinu ya majitaka.

6. EWURA CCC walihoji, pamoja na mambo mengine, kuhusu uzalishaji mdogo wa maji na kukosekana mpango wowote wa kuongeza uzalishaji wa maji, ongezeko kubwa la bei na ada linalopendekezwa na kiwango kisichoridhisha cha utekelezaji wa viashiria vikuu vya kiutendaji kama vile kiwango cha ubora wa maji na masaa ya huduma.

7. Wananchi walihoji, pamoja na mambo mengine, kuhusu kukosekana kwa maji safi na salama, upungufu wa maji hasa kipindi cha kiangazi,

mazingira machafu yanayozunguka vyanzo vya maji na matanki ya kuhifadhi maji na kukosekana kwa uhalali wa kutozwa gharama ya dira ya shilingi 120,000.

8. Hadi wakati wa kuhitimisha taftishi mnamo tarehe 10 Mei 2017, EWURA ilikuwa imepokea maoni ya kutosha kuweza kufanya maamuzi juu ya ombi la MAKUWASA la kurekebisha bei za majisafi.

Uchambuzi
na
Marekebisho

9. Kufuatia kukamilika kwa mchakato wa taftishi na uchambuzi, EWURA imefikia uamuzi kwamba ombi la marekebisho ya bei na tozo la MAKUWASA lina mantiki na ni halali isipokuwa kwa baadhi ya gharama za uendeshaji na matengenezo na miradi zilizopendekezwa kuwa kubwa bila sababu na kukosa uhalali. Kutokana na hayo, EWURA imeamua kuruhusu Mahitaji ya Mapato kwa kiasi cha shilingi 2,173.8 milioni kwa kipindi cha 2017/18 – 2019/20 ambayo ni sawa na asilimia 83 ya fedha zilizooombwa na MAKUWASA.

10. Marekebisho ya Mahitaji ya Mapato kwa MAKUWASA toka 2017/18 hadi 2019/20 ni kama yanavyooneshwa katika jedwali Na. 1:


Jedwali Na. 1: Marekebisho ya Mahitaji ya Mapato (TZS Milioni)

Gharama	Mahitaji ya Fedha Yaliyopendekezwa			Mahitaji ya Fedha Yaliyobadilishwa		
	2017/18	2018/19	2019/20	2017/18	2018/19	2019/20
Uzalishaji wa Maji	7.6	43.4	34.5	52.6	64.9	68.4
Umeme	53.9	68.5	83.0	23.0	23.3	27.0
Usambazaji	75.9	114.6	120.4	24.3	25.4	26.5
Ukarabati na matengenezo	82.3	107.0	112.3	20.6	21.5	22.5
Watumishi	296.1	385.0	404.2	293.9	343.9	393.9
Utawala	100.3	130.5	137.0	94.6	102.1	108.3
Kuthaminisha Mali	0	0	0	17.9	0.0	0.0
Matangazo	1.20	1.70	1.70	1.2	1.3	1.3
Matukio	10.30	13.50	14.10	10.3	10.8	11.2
Tozo za benki	0.80	1.00	1.20	0.8	0.8	0.9
Jumla ya Gharama za Uendeshaji na Matengenezo	628.4	865.2	908.4	539.1	593.9	660.0
Ukarabati na Matengenezo				17.8	72.3	80.0
Miradi Mipya				48.8	66.9	95.1

Uchakavu	58.8	76.4	80.2			
Jumla ya Gharama Zote	687.2	941.6	988.7	605.7	733.0	835.1

Uamuzi

11. Katika kikao chake cha tarehe 7 Juni 2017, Bodi ya Wakurugenzi ya EWURA ilijadili ombi hili na kutoa maamuzi kama inavyooneshwa kwenye Agizo hapo chini:

 pdfelement

SHERIA YA MAJISAFI NA MAJITAKA
(SURA NA 272)

AGIZO Na. 2017 - 004

(Imetolewa kwa mujibu wa Kifungu Na.28 (d))

AGIZO LA MAMLAKA YA MAJI SAFI NA USAFI WA MAZINGIRA MAKAMBAKO
("MAKUWASA"), LA KUREKEBISHA BEI ZA HUDUMA ZA MAJI), 2017

- | | |
|--------------------|--|
| Kichwa cha Agizo | 1. Agizo hili litajulikana kama, Agizo la Mamlaka ya Majisafi na Usafi wa Mazingira Makambako ("MAKUWASA"), (la Kurekebisha Bei za Huduma ya Maji), la Mwaka 2017. |
| Tarehe Kuanza ya | 2. Agizo hili litaanza kutekelezwa rasmi kuanzia tarehe 1 July 2017. |
| Marekebisho ya Bei | 3. Bei za majisafi na usafi wa mazingira za MAKUWASA zinarekebisha kulingana na Jedwali la Kwanza katika Agizo hili. |
| Masharti | <p>4. Bei zilizoidhinishwa zitaambatana na masharti yafuatayo:</p> <p>(a) Ifikapo tarehe 31 Desemba 2017 au kabla, MAKUWASA itawasilisha EWURA mpango wake wa Kibiashara uliopitiwa upya kwa kuzingatia bei zilizoidhinishwa na utekelezaji wa masharti ya Agizo hili.</p> <p>(b) MAKUWASA, kwa kutumia mapato yatokanayo na bei zilizoidhinishwa, itatekeleza miradi iliyoinishwa kati Jedwali la Pili katika Agizo hili.</p> <p>(c) Ifikapo tarehe 31 Oktoba 2017 au kabla, MAKUWASA itafanya tathmini ya mali zake na kuwasilisha EWURA taarifa ya tathmini iliyothibitishwa na Mtathmini aliyesajiliwa.</p> <p>(d) Ifikapo tarehe 31 Desemba 2017, au kabla, MAKUWASA itaandaa Programu ya Kuwafikia Wateja na kuiwasilisha EWURA kwa ajili ya mapitio na kuthibitishwa.</p> <p>(e) MAKUWASA itafuatilia na kupima ubora wa maji</p> |

kulingana na Mwongozo wa EWURA wa Kuratibu Ubora wa Majisafi na Majitaka wa Mamlaka za Maji na Usafi wa Mazingira wa mwaka 2014.

- (f) Ifikapo tarehe 31 Desemba 2017, au kabla, MAKUWASA itawawakea wateja wake wote dira.
- (g) MAKUWASA itafikia viashiria vya utendaji kama ilivyooneshwa kwenye Jedwali la Tatu la Agizo hili.
- (h) MAKUWASA itaendelea kuwasilisha EWURA taarifa zake za fedha na utendaji kwa mujibu wa matakwa ya EWURA. Taarifa hizi zitatumiwa na EWURA katika kufanya tathmini ya utendaji wa MAKUWASA ikilinganishwa na Mamlaka nyingine za majisafi na Usafi wa Mazingira na uboreshaji wa huduma zake. Pia EWURA itazingatia tathmini hii katika kufanya maamuzi ya maombi yote yatakayowasilishwa na MAKUWASA katika siku zijazo.

Agizo Na. 11-014
la tarehe 13 Mei
2011 la Ugezaji
wa Bei kwa
Mamlaka za Maji
ya Wilaya, Miji
Midogo na
Miradi ya Kitaifa

Agizo hili linasitisha matumizi ya Agizo Na. 11-014 la tarehe 13 Mei 2011 la Ugezaji wa Bei kwa Mamlaka za Maji ya Wilaya, Miji Midogo na Miradi ya Kitaifa kwenye maeneo yenye kuhudumiwa na Mamlaka ya Majisafi na Usafi wa Mazingira ya Makambako (MAKUWASA).

MAJEDWALI

JEDWALI LA KWANZA: BEI ZILIZOIDHINISHWA

Jedwali Namba 1(a): Bei za Maji za Sasa na Zilizoidhinishwa kwa Wateja Wenye Dira (Shilingi/Uniti)

Kundi la Wateja	Matumi zi kwa Uniti	Bei ya sasa 2016/17	Bei Inayopendekezwa			Bei Iliyoidhinishwa		
			2017/18	2018/19	2019/20	2017/18	2018/19	2019/20
Majumbani	0-10	3,000	549	598	622	490	580	615
	>10	395						
Biashara	0- 20	8,000	709	773	804	630	745	790
	>10	510						
Taasisi	0-25	10,000	695	758	788	615	730	775
	>25	500						
Magati	Uniti	500	695	695	695	500	500	500
Ujenzi	Uniti	1,000	1,390	1,515	1,576	1,230	1,460	1,550
Viwanda	0-25	15,000	994	1,083	1,126	880	1,045	1,110
	>25	715						
Wastani Linganishi		415.197	577.09	628.47	653.54	513.85	607.99	644.65

Jedwali Namba 1(b): Bei za Maji za Sasa na Zilizoidhinishwa kwa Wateja Wasio na Dira (Shilingi/Mwezi)

Kundi la Wateja	Bei ya Sasa	Bei inayopendekezwa			Bei iliyoidhinishwa	
	2016/17	2017/18	2018/19	2019/20	July - Dec 2017	January 2018 - 2019/20
Majumbani	4,500	9,000	13,500	16,875	5,900	Bei ya wateja wasio na Dira Hairuhusiwi. MAKUWASA Ihakikishe Inawafungia wateja wote Dira

Jedwali Na 1(c): Ada ya Sasa na Zilizoidhinishwa za Maunganisho Mapya ya Majisafi (Shilingi/Maunganisho)

Kundi la Wateja	Ada ya Sasa	Ada Inayopendekezwa			Ada Iliyoidhinishwa		
	2016/17	2017/18	2018/19	2019/20	2017/18	2018/19	2019/20
Majumbani	32,000	50,000	62,500	75,000	Asilimia ishirini ya gharama za maunganisho kama inavyojieleza katika sehemu ya 24 ya Kanuni za Maji za mwaka 2013		
Biashara	33,000	65,000	84,500	105,625			
Taasisi	33,000	65,000	84,500	105,625			
Ujenzi	33,000	70,000	91,000	113,750			
Viwanda	33,000	80,000	104,000	130,000			

Jedwali Na 1(d): Ada za Sasa na Zilizoidhinishwa za Kurejeshewa Huduma ya Maji Baada ya Kukatiwa (Shilingi /Kurejeshewa Huduma)

Kundi la Wateja	Ada Ya Sasa	Ada Inayopendekezwa			Ada Iliyoidhinishwa		
	2016/17	2017/18	2018/19	2019/20	2017/18	2018/19	2019/20
Majumbani	10,500	21,000	21,000	27,300	15,000	16,000	18,000
Biashara	16,000	32,000	32,000	41,600	20,000	22,000	24,000
Taasisi	16,000	32,000	32,000	41,600	20,000	22,000	24,000
Ujenzi	15,000	30,000	30,000	39,000	20,000	22,000	24,000
Viwanda	16,500	33,000	33,000	42,900	20,000	22,000	24,000

Jedwali Namba 1(e): Tozo ya Huduma Sasa na Iliyoidhinishwa (Shilingi/Mwezi)

Kundi la Wateja	Tozo Ya Sasa	Tozo Inayopendekezwa			Tozo Iliyoidhinishwa		
	2016/17	2017/18	2018/19	2019/20	2017/18	2018/19	2019/20
Majumbani	0	2,000	3,000	3,750	1,000	1,000	1,000
Biashara	0	3,000	4,500	5,625	1,500	1,500	1,500
Taasisi	0	3,000	4,500	5,625	1,500	1,500	1,500
Magati	0	2,000	3,000	3,750	0	0	0
Ujenzi	0	3,500	5,250	6,563	1,750	1,750	1,750
Viwanda	0	3,500	5,250	6,563	1,750	1,750	1,750

JEDWALI LA PILI: MIRADI ITAKAYOTOKELEZWA

Kazi Zitakazofanyika	Maelezo na Muda wa Utekelezaji
Kukarabati na Kubadili	
Kukarabati bomba kuu la Fukulwa	Jumla ya kilomita 0.804 zitakarabatiwa (2017/18 - kilomita 0.102; 2018/19 - kilomita 0.3; na 2019/20 - kilomita 0.402)
Ukarabati wa mali mbalimbali za mamlaka.	Ukarabati wa pampu ya maji; pikipiki 6; magari 2; na vibanda vya pampu katika maeneo ya Bwawani na Mizani; vifaa vya ofisi; samani za ofisi
Uwekezaji Mpya	
Ununuzi wa Dira za Maji	Katika mwaka 2017/18 dira za maji 364 zitanunuliwa (216 kwaajili ya wateja wapya na 148 kwaajili ya wateja wa zamani); na katika mwaka 2018/19 na 2019/20 zitanunuliwa dira za 364 kila mwaka kwa ajili ya wateja wapya.
Mfumo wa Ankara (AmaziBilling)	Kuboresha mfumo wa ankara za maji kutoka kundi B (Wateja 1501-5000) kwenda kundi C (Wateja 5001-10000)
Ununuzi wa vifaa vya maabara ya Maji na dawa za kupimia Maji.	Vifaa vitakavyonunuliwa kwa mwaka 2017/18 ni Sphetophotometer kwa ajili ya kupima kemikali katika maji, Turbidity meter na Multimeter kwa ajili ya kupima pH, Electroconductivity (E.C), TDS na Joto; mwaka 2018/19 vitanunuliwa vifaa kwa ajili ya kupima vijidudu vinavyoambukiza magonjwa toka katika maji (filtration unit and mini Incubator); na mwaka 2019/20 vitanunuliwa vifaa vidogo vidogo vya maabara na utengenezaji wa chumba cha maabara.
Ununuzi wa mabomba na viungio kwaajili ya usambazaji wa Maji.	Mwaka 2017/18: upanuzi wa mtandao wa huduma ya maji kwa km 1 katika maeneo ya Ubena; Mwaka 2018/19: upanuzi mtandao wa maji kwa km 3 katika maeneo ya Lyamkena na Mjimwema A; mwaka 2019/20: upanuzi wa mtandao wa huduma ya maji kwa km 3 katika maeneo ya Mjimwema B na Mwembetogwa.
Ununuzi wa Pikipiki	Ununuzi wa jumla pikipiki 3 (mwaka 2018/19 na 2019/20) kwa ajili ya kuboresha huduma kwa wateja.
Ununuzi wa GPS	Ununuzi wa GPS (2019/20) kwa ajili ya kuboresha taarifa za wateja katika ramani.
Ununuzi wa Kompyuta	Mwaka 2018/19: kununua kompyuta mpakato 1 ; na Mwaka 2019/20 ununuzi wa kompyuta mpakato 2.
Ununuzi wa Samani za ofisi	Ununuzi wa viti 8 na meza 8 za ofisi katika mwaka 2019/20
Ununuzi wangazi na Mashine ya kunyanyulia mabomba	Mwaka 2017/18: Ununuzi wa ngazi kwa ajili ya usafi wa matanki ya maji na mashine ya kunyanyulia mabomba wakati wa matengenezo ya bomba kuu.

JEDWALI LA TATU**Viashiria vya Utendaji (2017/18 - 2019/20)**

Maelezo	Uniti	Lengo la Utendaji		
		2017/18	2018/19	2019/20
Idadi ya wateja wapya wa maji safi	Na	320	320	320
Kiwango cha upotevu wa maji	%	27	26	25
Wateja wenye Dira	%	99	100	100
Kiwango cha ufanisi wa ukusanyaji wa mapato	%	95	95	95
Kiwango cha kujibu malalamiko ya wateja yaliwasilishwa kwa maandishi	%	100	100	100

Dar es Salaam
7 Juni 2017


Mhandisi. Godwin Samwel
Kaimu Mkurugenzi Mkuu